



遺山先生詩集卷第十四

七言律詩

甲寅九日同臨漳提領王明之鹿泉令張奉

先賈千戶令春李進之冀衡甫遊龍泉寺

僧顯求詩二首

遠水寒煙接戍樓
黃花白酒浣羈愁
霜林染出雲錦爛
春色併歸風露秋
鄉社歲時容客醉
石墻名姓爲僧畱
登高舊說龍山好
從此龍泉是勝遊

柿葉殷紅松葉青
黃花霜後獨鮮明
西風浩浩欲



吹帽石溜泠泠堪濯纓皇統貞元見題字良辰美景記升平何人解得登臨意滅沒疎雲鴈一聲

十日作

關樹蕭條返照明井陘西北算歸程青黃大似溝中斷文字空傳海內名平地煙霄遽如許秋風茅屋可憐生重陽擬作登高賦一片傷心画不成

贈荅普安師

入座臺山景趣新因君鄉國重情親金芝三秀詩壇瑞寶樹千花佛界春聞道舊傳言外意忘言今

得眼中人種蓮結社風流在會向藍輿認後身

孝純宛丘遷奉

張弟新舉第二雛聞其玉雪可念因以字之

鬢毛衰颯面塵埃孝子牽車古所哀千里長河限南北一丘寒土見蒿萊遼東華表何人在柳氏玄堂此日開十月知君有新喜小雛先與喚迎來

曹壽之平水之行

關塞相望首重搔相逢衰颯嘆顛毛驪珠可忍輕彈雀啗餌何緣得釣鰲從昔丘園昌晚節向來山岳總秋毫西風先有龍門約其舉一杯持兩螯

追懷趙介叔

今古人間各一時燕南剝有桂林枝清風明月懷
玄度綠水紅蓮見杲之善政傳歸遺愛頌陰功畱
在稱家兒哀歌不盡平生意空想脩然瘦鶴姿

堂北追懷友生石裕卿

人物休評第幾流依然豪俠數并州壯懷歌闕尊
爲破連句才多筆不休金馬只教聊避世玉犀誰
遣失封侯酒酣握手今無復惆悵西園是舊遊

詩骨脩然野鶴孤

兩年清坐記圍爐金初宋季聞
遺事草靡波流見古儒已分幽人嗟古栢爭教孺
子奠生芻鳳山後日先賢傳再有劉宗祭酒無

贈荅平陽仇舜臣

兩辱攜詩過草堂曹君師席有輝光飛騰自是功
名具潦倒何堪翰墨場滄海驪珠能幾見艷城龍
劍不終藏太行殘雪春風近且趁梅花薦壽觴

曹益父
門生也

賈曹東城中隱堂

遺山詩集 三十一
智水仁山德有隣柳塘花塢靜無塵家僮解誦閒
居賦田父爭持社舊春安吉總輪中隱士典刑真
見老成人明年恰入非熊運共看青蒲裹画輪

約嚴侯泛舟

風物當年小洞庭西湖此日展江亭詩貪勝槩題
難徧酒怯清秋醉易醒白鳥無心自來去紅蕖照
影亦娉婷仙舟共載平生事未分枯槎是客星

贈李同年德之歸洛西二首

千佛名經有幾人棲遲零落轉情親承平盛集今

無復哀樂中年語最真衣上緇塵元自化鏡中白
髮爲誰新水南水北相逢在剩醉醱醖十日春
亾奈流光冉冉何逢君聊得慰蹉跎飛黃老去空
奇骨拙燕歸來只舊窠舉世盡從愁裏過一尊獨
愛醉時歌洛中定有人相問休道今年白髮多

贈蕭漢傑

并序

蕭漢傑大興人金國初嘗賜姓奧里氏故
時人又謂之奧里漢傑父仲寬居之飛龍
榜登科同知清州軍州事致仕有子六人

皆使宦學獨漢傑不樂去聲遂作舉子爲人
慷慨有志膽好讀書古兵法及陰陽孤虛
祿命之術從軍二十年積官從三品領虢
州倅關陝總帥府提控佩金符蓋自燕城
圍解之後間關南渡出入行陣間瀕於死
者屢矣鐵嶺之潰復入陝州陝州亂群不
逞輩繫漢傑獄中漢傑乘昏算破械而出
懼爲追者及駕浮壺亂黃流筋疲力涸僅
達北岸爲失侯故將者又二十年流離頓

踏人所不能而意氣都不少衰以人情觀
之豈碌碌者所可辦耶壬子冬與予相值
於東原問其世知其爲故人大鈞之同母
弟也問其日事則曰止以唐生季主之業
游時貴間耳因與論余之行年而有契於
余心者私竊慨嘆以爲倚伏叵測哀與樂
相尋生也有涯而跼於憂畏浩浩乎如乘
舟而遇風波非知其亾可奈何而安之其
何以收利涉之功乎漢傑爲有得矣其別

也因為長句以贈

射虎將軍右北平短衣憔悴宿長亭雷轟寶劍無
畱迹火借青囊為乞靈四壁不知貧作崇一瓢誰
識醉中醒相逢莫話楮機石自省枯槎是客星
送曹幹臣
和林音驛日懷思燕市歌權有此時老我真成鐵
爐步感君時送艸堂貲黃楊舊厄三年閨赤驥非
無萬里姿平地煙霄付公等不妨閒和鳳池詩

國醫王澤民詩卷

萬石君家父事兄豈知衰俗有王卿一篇華袞中
書筆滿紙清風月且評鴻鴈自分先後序鶴鴒兼
有急難情閨門雍睦君須記方伎成名恐未平

祖唐臣母挽章

白髮承平一夢過怡然冠帔見慈和肩輿與燕喜今
無復手綫畱殘恨更多舍肉已甘非穎谷學仙何
敢望西河升堂結友平生事重為王君廢蓼莪

感寓

南楊北李閒中老樂丈張兄病且貧叔夜呂安誰

命駕牧童田父實為隣功名富貴知何物風雨塵埃惜此身歌酒相逢斲陶寫不應嫌我醉時真李仁

卿楊正卿樂舜咨張緯文

存歿

辛老敬之劉兄景玄

行間楊趙提衡早老去辛劉入夢頻案上酒杯聊自慰袖中詩卷欲誰親兩都秋色皆喬木一代名家不數人汲冢遺編要完補可能虛負百年身

人日有懷愚齋張兄緯文

書來聊得慰懷思清鏡平明見白髭明月高樓燕

市酒梅花人日草堂詩風光流轉何多態兒女青紅又一時澗底孤松二千尺殷勤畱看歲寒枝

趙元德御史兄七帙之壽

總道浮雲世態新典刑依舊老成人松身鶴骨詩千狀玉潤冰清德有隣已卜新居近泉石不應晚節傍風塵平頭七十從頭數才是梅溪第一春

張村杏花

丁巳三月初二日

昨日櫻唇絳蠟痕今朝紅袖已迎門只應芳樹知人意畱著殘粧伴酒樽濃李尚須羞粉艷寒梅空

自怨黃昏詩家元白無今古從此張林即趙村
 送仲希兼簡大方
 家亾國破此身畱畱滯聊城又過秋老去天公真
 潰潰亂來人事轉悠悠碁中敗局從誰覆鏡裏衰
 容只自羞方外故人如見問爲言乘興欲東流

送郭大方

雲裝煙駕渺翩翩是處林泉有靜緣存歿共驚初
 劫後交游空記十年前忘言秋水聊揮塵得意高
 山未絕絃明月太虛君自了相思休泛剡溪船

送李輔之官青州

親朋離燕日相仍又向扁舟別李膺晚節浮沉疑
 未害終年哀樂自難勝樊籠不畜青田鶴朔吹初
 翻白錦鷹鄭重雙魚問消息故侯瓜圃在東陵

荅晁公憲世契二首

晁文元公之後游仙李承旨之外孫

文元道院玉爲淵臥治堂中宅相賢名氏其知先
 德在詩書仍自外家傳獨先月旦宜無媿久辱泥
 塗恐未然子弟他年拜矜式萬鍾應待餞華顛
 通家能有幾人存華屋生平得細論入座舊曾稱

遺山詩集 卷之十四
小友挾書今復授諸孫已煩學舍分餘俸更約田
家其老益一諾知君重山岳車行五日是并門

寄史德秀兼呈濟上諸交游

久拚身世不相關
躔入塵埃亦自難
一旱且當逃赤地
二年爭得厭青山
陽臺寒食林花盛
鐵岸南風草閣寒
鄉社追隨有成約
更教空負老來閒

答吳天益

兵中曾共保
嵩丘忽漫相逢在此州
鵝鴨何嘗厭喧聒
燕鴻無計得遲留
白頭親舊常千里
黃葉關

河又一秋三徑他時望
羊仲却應松菊未銷憂

來詩

有三徑松菊之句

答郭仲通二首

白髮歸來一布衣
東臯春草映柴扉
向時諸老供薰沐
此日孤生足罵譏
遁世已甘成遠引
刺天何暇計群飛
光芒消縮都無幾
慙媿詩人比少微

來詩

有少微星之句

一尊何意復同傾
亂後真疑隔死生
吐氣無妨出芒角
忍窮尤喜見工程
千年老檜盤根古
十丈寒

潭照膽清凜凜風期望吾子不誠隨例只時名

蘭仲文郎中見過

玉臺辭客富年華樂府風流有故家水碧金膏步
兵酒天香國色洛陽花皇居鬱鬱今何在世事悠
悠日又斜後夜雲州古城下故應迴首一長嗟

送奉先從軍

潦倒書生百戰場功名都屬繡衣郎虎頭食肉無
不可鼠目求官空自忙捲月清笳渭城曉倚天長
劍蜀山蒼習池老去風流減醉後揚鞭愧葛疆

壽趙益之

山東諸將擁行臺共許元戎有雅懷文字誰如祭
征虜威名人識李臨淮農郊荆棘連新麥儒館丹
靑映古槐看取邦人祝君壽五雲多處是三台

與宗秀才

陽平作

趙侯雅負平原量楊子今為四海儒已遣父兄知
義所肯容兒輩作耕夫鶯遷高樹音容改魚得明
珠尾鬣殊駟馬高門看他日始知種德有根株

贈馮內翰二首

并序

內翰馮文往在京師日渾源雷淵希顏太
原王渥仲澤河中李獻能欽叔龍山龔禹
錫京甫皆從之問學其夤緣亦得俎豆於
門下士之未然自辛卯壬辰以來不三四
年而五人者唯不肖在耳丙申夏六月公
自東平將展墓于鎮陽以某在冠氏枉駕
見過時公方爲髀股所苦吟呻展轉若非
老人之所能堪然閒語及舊事則危坐終
日往往爲之色揚而神躍以公初挂冠歸

嵩山時校之其談笑風流固未減也竊意
造物者錫公難老使後生輩望見眉宇以
知百年文章鉅公敦龐耆艾之士褒衣博
帶坐鎮雅俗者蓋如此橫流方靡而砥柱
不移故國已非而喬木猶在幸公之可恃
而哀四子之不見也作詩二章以道區區
之懷於公之行而爲之獻

耆舊如公可得親爭教晚節傍風塵青瑣持去故
家盡白帽歸來時事新扶路不妨驢失脚守關尤

覺虎憎人只應有似松菴日時醉中山麴米春
龍門冠蓋日追隨四客翩翩最受知桃李已隨風
雨盡栢松獨與雪霜宜元龜華髮渠有幾清廟朱
絃誰與期見說常山可歸隱從公未覺十年遲

九日午後入府知曹子凶問夜爲不能寐爲

作詩二首

角逐文場早決機晚年書卷不停披詩如魯望何
多態檄比賓王又一奇題品自當高等級搜求誰
復盡毫釐遺編綴葺非吾事千古朱絃有子期

造物無心賦耦奇敢從窮達計前期參軍桓府得
君重奮翼澠池徒爾爲一瞥風花才過眼半生歌
笑幾伸眉陸家正有諸郎在寶劍千金更屬誰

益父曹弟見過挽留三數日大慰積年傾系

之懷其行也謾爲長句以贈弟近詩超詣

殆欲度驂驪前故就其所可至者而勉之

九萬扶搖先有程祗應貧病坐時名斃同寢飯聊
堪喜細話艱危却自驚從事舊慙三語掾通家猶
記十年兄文章正脉須公等如我何年画虎成

贈李文伯

鳳凰在山天下奇，泰和以來王李倪承平人物天。
未絕耆舊風流，今復誰肯紅自是兒女事老幹寧。
與春風期萬壑松聲，一壺酒從公未覺去年遲之。
贈玉峰魏文邦彥

贈荅趙仁甫

南冠牢落坐貧居，却爲窮愁解著書。但見室中無
長物，不聞門外有軒車。六朝人物風流在，兩月燕
城笑語疎寒士歡顏有，他日晚年畱看定何如。

同德秀求田燕川分得同字

數家村落翠微中，茅屋真堪著病翁。水竹漸知盤
谷近，鄉鄰仍與玉川通。清泉白石言猶在，赤日紅
塵夢已空。杖屨追隨自今始，此行聊記與君同。

德秀家兒子

犀插隆顛玉作肌，名郎風骨見來奇。靈椿丹桂詩

將應玉杵玄霜夢已知兒未生時竹馬乍騎猶未

慣班衣才著更相宜鳳山自有鷓鴣種九子相從

不厭遲夢得一兔

贈任文耀卿

袖手名城得海藏不妨身與世相忘故君非復烏

衣巷勝事仍餘綠野堂茶竈謾煎雲脚散蓮舟清

嘯月波涼投詩未覺追隨遠預怯君家百罰觴

賀德卿王太醫生子

喜色門闌笑語譁新兒浴罷試鉛華岳蓮盡發三

峰秀夢筆驚看五色花此日壽筵分象果異時雲

漢望仙槎并州金馬君知否藥籠陰功是故家

贈麻信之

梁苑同來手重分洛西清語意尤親相期晚歲定

知我可道古人惟有君霽日光風開白晝瓊林珠

樹照青春陸機舊有三間屋便擬東頭著弟雲

射虎

虎跡駸駸近九關豈知飛將乃黃間弦弧霹靂應

手破從騎爛斑載錦還得意雲雷捲劾敵迴頭藜

藿但空山寢皮食肉男兒事未分書生袖手閒
茗飲

宿醒未破厭觥船紫笋分封入曉煎槐火石泉寒
食後鬢絲禪榻落花前一甌春露香能永萬里清
風意已便邂逅華胥猶可到蓬萊未擬問群仙

鬱鬱

鬱鬱羈懷不易開更堪寥落動淒哀華胥夢破青
山在梁甫吟成白髮催秋意漸隨林影薄曉寒都
逐鴈聲來并州舊日風聲惡悵望鄉書早晚回

秋日載酒光武廟

美酒良辰邂逅同赤眉城北漢王宮百年星斗
天上萬古旌旗在眼中草木暗隨秋氣老河山長
爲昔人雄一杯徑醉風雲地莫放銀盤上海東

風色寄劉光甫

山澤臞儒亦自豪塵埃俗吏豈勝勞陶潛貧裏營
三徑潘岳秋來見二毛芻狗已陳甘自棄轅駒未
脫欲安逃因風寄謝劉夫子極口推稱恐太高

過臯州寄聶侯

澗岡重複竝湍流斜日黃榆嶺上頭地底寶符臨
趙國眼中佛屋見臯州雲沙浩浩鴈良苦木葉蕭
蕭風自秋別後故人應念我一詩聊與話離憂未

丙辰九月二十六日挈家游龍泉

風色澄鮮稱野情居僧聞客喜相迎藤垂石磴雲
添潤泉漱山根玉有聲庭樹老於臨濟寺霜林渾
是漢家營明年此日知何處莫惜題詩記姓名

病中感寓贈徐威卿兼簡曹益甫高聖舉

絕筆

讀書畧破五千卷下筆須論二百年正賴天民有
先覺豈容文統落私權東曹掾屬冥行廢鄉校迂
儒自聖癩不是徐卿與高舉老夫空老欲誰傳

遺山先生詩集卷之十四

終

二百五十一

遺山先生詩集卷第十五

五言絕句

洛陽高少府瀍陽後菴五首

溪上弄明月風露發新警心空無一塵萬竹埽秋

影

一水隨人意蔬畦復芋溝風波河洛近莫放出山

流快入尋樂山中幽口幽百平跡瀍陽萬古隨山

韭早春先綠菘肥秋未黃殷勤遶畦水終日為君

忙耕與金精林苑已公青第一出尺餘竹四山

地僻境逾靜林疎秋已分清溪一片月修竹四山
雲早春水綠苔斑綠未黃知誰與起水發日為
游 方外人長樂山中物自幽百年梅福隱萬古謫仙

內鄉雜詩

犬吠桃源近鶯聲柳巷深蒼苔畱醉臥青竹伴幽

尋

薛明府去息口號七首

能吏尋常見公廉第一難只從明府到人信有清

官

畫諾繇官長昂頭顧吏頻只從明府到判筆不傳

神

麋鹿山中盡公廚破幾錢只從明府到獵戶得安

眠

木索人何罪纍纍滿獄中只從明府到牢戶二年

空

驛舍無歌酒清談了送迎卽看明府去畫鼓有新

聲

舊日逃亡屋鎌鉏色色新卽看明府去還作賣牛
人
疾惡看平日天然御史材豪姦休鼓舞驄馬卽西
來

山居雜詩六首

瘦竹藤斜挂藜花草亂生林高風有態苔滑水無
聲

石潤雲先動橋平水漸過野陰添晚重山意向秋
多

樹合秋聲滿村荒暮景閒虹收仍白雨雲動忽青
山

川迴楓林散山深竹港幽疎煙沉去鳥落日送歸
牛

漲落沙痕出堤摧岸口斜斷橋堆聚沫高樹閣浮
槎
鷺影兼秋靜蟬聲帶晚涼陂長畱積水川闊盡斜
陽

梁父吟扇頭

孔明箕踞坐大石上望月作梁父吟

槃礴萬古心塊石入危坐青天一明月孤唱誰與和

南樓月夕望鳳山有懷武鍊師子和國畫
相望不相見山中君得知南樓今夜月也到洗參

辛亥寒食

寒食年年好今年迥不同秋千與花影併在月明中

山中晚春

雲光金碧聚林煙綵翠新山花發較晚今年兩見春

得緯文兄書題

鵲語喜復喜山城誰與娛青燈一杯酒千里故人書

乙巳九月二十八日作題

關山小雪後絮帽北風前殘月如新月今年老去

六言絕句

定齋兄寫真

朱黃筆底三篋白黑胸中兩碁畫作蕭然野服雲
龍終日駢駢

巨然秋山為鄧州相公賦

筆端游戲三昧物外平生往還為問阿師何在白
雲依舊青山

德和墨竹扇頭

靜裏離離新粉動時細細清香明月清風自在紅

塵白日何妨

嫩香新粉墨離
離李長吉竹詩

曹得一扇頭

機中秦女仙去月底梅花晚開只見一枝疎影不
知何處香來

唐子達扇頭

溪光冷於冰山骨淨如玉白雲自老人自閒莫遣
秋風破茅屋

七言絕句

論詩三十首

丁丑歲
三鄉作

漢謠魏什久紛紜正體無人與細論誰是詩中疏

鑿手暫教涇渭各清渾
曹劉坐嘯虎生風四海無人角兩雄
越石不教橫樂建安中

鄴下風流在晉多壯懷猶見缺壺歌
風雲若恨張

華少溫李新聲奈爾何
鍾嶸評張華詩恨其兒女情多風雲氣少

一語天然萬古新豪華落盡見真淳
南窗白日羲

皇上未害淵明是晉人
柳子厚唐之謝靈運陶淵明晉之白樂天

縱橫詩筆見高情何物能澆魂
磊平老阮不狂誰

會得出門一笑大江橫

心畫心聲總失真文章寧復見
爲人高情千古閒

居賦爭信安仁拜路塵
西晉魏本

慷慨歌謠絕不傳穹廬一曲本天然
中州萬古英

雄氣也到陰山敕勒川
王川

沈宋橫馳翰墨場風流初不廢齊梁
論功若准平

吳例合著黃金鑄子昂
陸

鬪靡誇多費覽觀陸文猶恨冗於潘
心聲只要傳

心了布穀瀾翻可是難
陸蕪而潘靜語見世說

排比鋪張特一途藩籬如此亦區區
少陵自有連

城壁爭奈微之識玳瑁

事見元稹子美墓誌

眼處心生句自神暗中摸索總非真畫圖臨出秦

川景親到長安有幾人

望帝春心託杜鵑佳人錦瑟怨華年詩家總愛西

崑好獨恨無人作鄭箋

萬古文章有坦途縱橫誰似玉川盧真書不入今

人眼而輩從教鬼畫符

出處殊途聽所安山林何得賤衣冠華歆一擲金

隨重大是渠儂被眼謾

筆底銀河落九天何曾顛顛飯山前世間東抹西

塗手枉著書生待魯連

切切秋蟲萬古情燈前山鬼淚縱橫鑑湖春好無

人賦岸夾桃花錦浪生

切響浮聲發巧深研摩雖苦果何心浪翁水樂無

宮徵自是雲山韶濩音

水樂次山事又其款乃曲云停橈靜聽曲中意好是

雲山韶濩音

東野窮愁死不休高天厚地一詩囚江山萬古潮

陽筆合在元龍百尺樓

萬古幽人在澗阿百年孤憤竟如何無人說與天
隨子春草輸羸校幾多天隨子詩無多藥草在南
榮合有新苗次第生稚子
不知名品上恐
隨春草鬪輸羸

謝客風容映古今發源誰似柳州深朱絃一拂遺
音在卻是當年寂寞心通苦果可心寒餘木樂無
窘步相仍死不前唱疇無復見前賢縱橫正有凌
雲筆俯仰隨人亦可憐山以之為山山以之為山
奇外無奇更出奇一波纔動萬波隨只知詩到蘇
黃盡滄海橫流卻是誰山前山後山前山後

曲學虛荒小說欺俳諧怒罵豈詩宜今人冷笑古
人拙除却雅言都不知對詩類

有情芍藥含春淚無力薔薇臥晚枝拈出退之山
石句始知渠是女郎詩詩意多備量來雷詩精
亂後玄都失故基看花詩在只堪悲劉郎也是人
間客枉向春風怨兔葵詩意多備量來雷詩精
金入洪鑪不厭頻精真那計受纖塵蘇門果有忠

臣在肯放坡詩百態新全大舞山詩意多備量來雷詩精
百年纔覺古風迴元祐諸人次第來諱學金陵猶

有說竟將何罪廢歐梅
古雅難將子美親精純全失義山真論詩寧下涪
翁拜未作江西社裏人
池塘春草謝家春萬古千秋五字新傳語閉門陳
正字可憐無補費精神
撼樹蚍蜉自覺狂書生技癢愛論量老來畱得詩
千首却被何人技短長

文湖州草蟲爲劉使君賦

造物無心筆有神
翩翩飛動百年新
蟲魚瑣細君

休笑學會屠龍老卻人

京都元夕

絃服華妝著處逢
六街燈火鬧兒童
長衫我亦何
爲者也在遊人笑語中

西園

百艸千花雨氣新
今朝陌上有游塵
皇州春色濃
於酒醉殺西園歌舞人

藍采和像

長板高歌本不狂
兒曹自爲百錢忙
幾時逢著藍

衫老同向春風舞一場
自憐百髮如秋髮
雙宿雙飛百自繇
人間無物比風流
若教解語終須問
有底愁來也白頭

鴛鴦扇頭
杏花雜詩十三首

杏花牆外一枝橫
半面宮妝出曉晴
看盡春風不回首
寶兒元自太憨生
露華浥浥泛晴光
睇足東風倚綠窗
試遣紅妝映銀燭
湘桃爭合伴僊郎

嫋嫋纖條映酒船
綠嬌紅小不勝憐
長年自笑情緣在
猶要春風慰眼前
水白雲黃莫負西園春
暖日園林可散愁
每逢花處儘遲留
青旗知是誰家酒
一片春風出樹頭
平聲木送送密影也嬌多
紛紛紅紫不勝稠
爭得春光競出頭
卻是梨花高一著
隨宜梳洗儘風流
年必以珠翠去為顛
露浥清華粉自添
隔溪遙見玉簾苫
眼看桃李飄零盡
更揀繁枝插帽簷
園林幾樹珠燕千
銜綠春小橋南北
夢幽尋殘醉曹騰
不易禁一樹杏花春

寒沙折葦靜相依故國春風早晚歸意外羈棲誰
画得羽毛單薄稻梁微

鴈奴辛苦候寒更夢破黃蘆雪打聲休道画工心
獨苦題詩人也白頭生

江湖牢落太愁人同是天涯萬里身不似画屏金
孔雀離離花影淡生春

早起

北舍南隣獨樂聲袂衣晨起覺秋清豆苗欲熟朝
朝雨喚殺雙鳩不肯晴

書生

書生千古一蠶腸蓋世功名不自償更笑登封武
明府兩盃白粥半生忙

銅雀臺瓦硯

愛惜鉛花洗又看畫欄桂樹雨聲寒千年不作鴛
鴦去喚得書生笑老瞞

步虛詞三首

後二首三
鄉時作

閨苑仙人白錦袍海山宮闕醉蟠桃三更月底鸞
聲急萬里風頭鶴背高

萬神朝罷出通明和氣歡聲滿玉京見說人間有
新異綠章封事謝昇平宮闈朝報壯三更民力營
琪樹明霞碧落宮歌音嫋嫋度冷風人間聽得霓
裳慣猶恐鈞天是夢中

拙菴爲溫甫賦
毫端棘末幾人爭愚智相懸賦分平畢竟世間誰
是巧鬢毛愁白可憐生

風雨停舟圖

老木高風作意狂青山和雨入微茫畫圖喚起扁

舟夢一夜江聲撼客床

納涼張氏庄二首

小橋深竹午風便一道垂楊帶亂蟬山下行人遮
日去却從茅屋問瓜田

樹陰環合水縈回樹下行人坐綠苔絕似蓁蒙山

下路眼中唯欠繫舟鬼

蓁蒙繫舟皆鄉中山
鄉人謂之繫舟鬼

送窮

日吉時良利動遷可能顏巷平終焉主人不倦星
奴倦辛苦年年縛草船

楊柳

楊柳青青溝水流
鶯兒調舌弄嬌柔
桃花記得題詩客
斜倚春風笑不休

梁縣道中

青山簇簇樹重重
人在春雲浩蕩中
也是杏花無意况
一枝臨水臥殘紅

自題寫真二首

山林日月老潛夫
骨入窮泉未擬枯
幽澗有冰含太古

無人如玉試洪鑪

孫綽雖沒泉壤尸且不朽

一派春煙淡不收
漁家已許借扁舟
山林且漫蹉跎去
莫問人間第幾流

再題

高談世事真何者
多竊時名亦偶然
山鹿野麋君自看
擬從何地著貂蟬

吳子英家靈照圖二首

船入江西萬有空
漉籬活計百錢功
阿靈了却無生話
想得蕭然似卷中

抱犢山高記洛川
寸腸西去似繩牽
而今恰羨龐

家好兒女生來只眼前

時女嚴在盧氏約歸寧未至

劉鄧州家聚鴨圖

沙浦空明洲景微
枯荷折葦澹相依
若為化作江鷗去
拍拍隨君貼水飛

自序 戊子正月晦日內鄉西城遊眺

雄蜂雌蜨為花狂
陌上遊人醉幾場
前日少年今白髮
却來閒處看春忙

長壽山居元夕

微茫燈火芙蓉村
黃葉漫山雪擁門
三十九年何

限事只畱孤影伴黃昏

聞仲澤丁內艱

升堂未幾訃音聞
凶服衰羸日念君
昨夜東南雷雨惡
遙知號哭遶新墳

贈眼醫武濟川

世眼紛紛昧是非
不應刮膜在金龜
知君聖處工夫到
且道心盲作麼醫

賦粹中師竹拂子

了却香嚴一擊緣
滿梳華髮伴談玄
誰知拂月披

風意已具鈴鎚未落前
題伊陽楊氏戲虎圖

大斑哆笑口侵耳小斑蓄縮如乞憐
戲鬪真成兩
勃敵發機誰在卞莊前

王子端內翰山水同屏山賦二詩

鄭虔三絕舊知名付與時人分
重輕遼海東南天
一柱胸中誰比玉崢嶸

萬里承平一夢間風流人物與江山
眼明今日題
詩處却見明昌玉笋班

右司正之家渭川千畝圖二首

官街塵土霧中天入眼荒寒一灑然
大似終南山
下看北風和雪捲蒼煙

老眼蕭郎筆有神岩姿洲景盡天真
情知一段幽
閒趣不必清談著晉人

同希顏欽叔玉華谷分韻得軍華二字二首

竝山一逕入秋雲草樹低迷劣
可分開道無煩謝

康樂挽疆須得李將軍

時有虎害故戲云

深山水木湛清華興到窮探亦未涯
轉石猶能起

雷雨題詩自合動煙霞

轉石常日事

同希顏欽叔玉華谷還會善寺即事二首

高風捲盡四山雲泉石煙霞得細分大是山靈設

清供憺無佳句荅殷勤

詩翁徹骨愛煙霞別似劉君住玉華鐵笛不曾從

二草頭巾久已挂三花

趙隱芝子端同年進士令任城為猾吏所誣遂隱居

今年八十餘自言胎仙已成不久去世云

從鄧州相公覓酒時在鎮平

寒日山城雪四圍空齋孤坐意多違江州未覺風

流減可使陶潛望白衣

鎮平寄姪孫伯安筆

隆顛犀角掌中珠不見經年日念渠領取阿翁郎

管筆試教學寫問安書

黃筌龜藏六圖為張左丞賦

無心舒卷付皇天不幸剗腸亦偶然世上疑謀待

君決可能藏六便安全

鎮平書事

勸農冠蓋已歸休了却逋懸百不憂可是諸人哀

老子半窗紅日擁黃綉
自鎮平暫往秋林道中寄家

風雨塵埃了半生
西山歸去眼增明
浮雲夫壻今如此
莫遣迎門有歎聲

超化

秋風嫋嫋入僧窗
盡得諸山草木香
却恨大梁三日醉
不來超化作重陽

又云擬借扁舟弄秋水
日嫌塵土浣沙鷗
餘不記

遺山先生詩集卷第十五 終

遺山先生詩集卷第十六

七言絕句

長平山居二首

斜陽高樹挂晴虹
肅肅微涼雨氣中
一道鷺鷥花不斷
密香吹滿馬頭風

詩腸搜苦怯茶甌
信手拈書却枕頭
簷溜滴殘山院靜
碧花紅穗媚涼秋

寄女嚴三首

鶴崖魚窟路間關
旬月無絲一往還
寒食歸寧見

鄰女舉家迴首望西山

鶴崖魚窟在內鄉往盧氏道中

食韻寧具

添丁學語巧於絃詩句無人為口傳竹馬幾時迎

阿姊五更教誦木蘭篇

眼前兒女最關情不見經年百感并聞道全家解

禪理擬從香火問無生

自鄧州幕府暫歸秋林

升斗微官不療飢中林春雨蕨芽肥歸來應被青

山笑可惜緇塵染素衣

無題二首卷第十六

七十鴛鴦五十絃酒薰花柳動春煙人間只道黃

金貴不問天公買少年

春風也解惜多才嫁與桃花不問媒死恨天台老

劉阮人間何戀却歸來

題省掾劉德潤家驂鸞圖并為同舍郎劉長

卿記異劉在方城先有碧簫之遇如芙蓉

城事云

千劫情緣萬古期樓中簫史姓名非洞天花落秋

雲冷腸斷青鸞獨自飛

希顏挽詩五首

官銜寥落在銘旌十命寧論重與輕不作漢家賢

傳去空勞明主識蕭生

溘焉溟漠旌紀寂寞
魏書中隱逸傳語

山立揚休七尺身紫髯落落照青春從教不入麒麟

麟畫猶是中朝第一人

人間無路問天公自古才難更阨窮日月不為千

載計江山長俗萬夫雄

萬古文章有正傳驂騶爭道望君先傷心一入重

泉後再得斯人又幾年

一世龍門屬李膺待君提拂遂騰升千年荆棘龜
跌在會有人尋下馬陵

出鄧州

本無奇骨負功名取次誰教髀肉生未到白頭能
幾日六年畱滯鄧州城

過希顏故居四首

缺壺聲裏短歌行星斗闌干醉膽橫虎視鷹揚何

處在道邊孤塚可憐生

鶴蓋成陰著處同一時人物酒杯中臣門如市心

選山詩集 卷之十六
如水世俗論量恐未公
暮去朝來萬化途
飛揚跋扈亦區區
劇談不盡平生意
能有精微入夢無
把臂論交分最深
三夫成虎古猶今
唯有區區在地下
纔應識此心

雜著九首

萬期流轉不須臾
物物觀來定有無
玉席紙衣全一盡
枉將白骨計榮枯
鳧短何如鶴有餘
非魚誰謂子知魚
一枝莫作鷓

鷓看水擊三千不羨渠

太虛空裏一遊塵
造物雖工未易貧
臧獲古來多鼎食
可能夷叔是飢人

青蓋朝來帝座新
豈知衛瓘是忠臣
洛陽荆棘千年後
愁絕銅駝陌上人
六國孱王走下風
神人鞭血海波紅
無端一片云亭石
殺盡蒼生有底功
天上河源地上流
黃金浮世等閒休
埋愁不著重泉底
儘向人間種白頭

泗水龍歸海縣空
朱三王八竟言功
圍碁局上豬奴戲
可是乾坤鬪兩雄

昨日東周今日秦
咸陽煙火洛陽塵
百年蟻穴蜂衙裏
笑煞崑崙頂上人
半紙虛名百戰身
轉頭高塚臥麒麟
山間曾見漁樵說
辛苦凌煙閣上人

戚夫人

鴻鵠冥冥四海飛
戚夫人舞淚霑衣
無端恨殺商山老
剛出山來管是非

題山谷小豔詩

法秀無端會熱謾
笑談真作勸淫看
只消一句脩脩利
李下何妨也整冠

家山歸夢圖三首

別却并州已六年
眼中歸路直於弦
春晴門巷桑榆綠
猶記騎驢掠社錢

繫舟南北暮雲平
落日滹河一線明
萬里秋風吹布袖
清輝亭上倚新晴

游騎北來塵滿城
月明空照漢家營
卷中正有家

山在一片傷心畫不成

四皓圖

身墮安車厚幣中
白頭塵土浣西風
當時且不出山
間老羽翼區區有底功

雜著

老優慣著沐猴冠
却笑傍人被眼謾
造物若畱殘喘
在我儂試舞你儂看

俳體雪香亭雜詠一十五首

亭在故汴宮
仁安殿西

滄海橫流萬國魚
茫茫神理竟何如
六經管得書

生下關劍長槍不信渠

洛陽城闕變灰煙
暮號朝虞只眼前
為向杏梁雙

燕道營巢何處過明年

落日青山一片愁
大河東注不還流
若為長得熙

春在時上高層望宋州

醇和旁近洞房環
碧瓦參差竹樹間
批奏內人輪

上直去年名姓在窗間

醇和
殿名

天上三郎玉不如
手中白羽趁花奴
御屏零落宣

和筆畱得華清按樂圖

詩仙詩鬼不謾欺時事先教夢裏知
禁苑又經人物散荒涼臺榭水流遲

廿年前商仲國器方城夢中得後二句爲言如此

金縷歌詞金曲卮百年人事鬢成絲
重來未必春風在更爲梨花住少時

楊柳隨風散綠絲桃花臨水弄妍姿
無端種下青

青竹恰到湘君淚盡時

琵琶心事曲中論曾笑明妃負漢恩
明日天山山

下路不須迴首望都門

爐薰浥浥帶輕陰翠竹高梧水殿深
去去旃車雪

三尺畫羅休縷麝香金

泥金色如麝香宮中所尚

羅綺深宮二十年更持桃李向誰妍
人生只合梁

園死金水河頭好墓田

苦才多思是春風偏近騷人悵望中
啼盡杜鵑枝

上血海棠明日更應紅

暖日晴雲錦樹新風吹雨打旋成塵
宮園深閉無

人到自在流鶯哭暮春

萬戶千門盡有名眼中歷歷記經行
賦家正有蕪

城筆一段傷心畫不成

遺山詩集 七卷之十六
暮雲樓閣古今情地老天荒恨未平白髮纍臣幾
人在就中愁殺庾蘭成
八
春夕
數枝殘雪梅仍在幾日東風柳已嬌春酒價高無
可典小紅燈影莫相撩

梅花

一樹寒梅古寺邊荒山老木動春妍東家賴有詩
人在照影橫枝莫自憐

溪上

短布單衣一幅巾暫來閒處避紅塵低昂自看水
中影好箇山間林下人

息軒楊祕監雪行圖

長路單衣怨僕僮無人說向息軒翁長安多少貂
裘客偏畫書生著雪中

楊煥然生子四首

掌上明珠慰老懷愁顏我亦爲君開異時載酒揚
雄宅知有迎門竹馬來
人家歡喜是生兒巷語街談總入詩我欲去爲湯

餅客買羊沽酒約何時

半生辛苦坐耽書我笑先生老更迂生子但持門

戶了玄談何必似童烏

阿麟學語語牙牙七歲元郎髻已丫更醉使君湯

餅局兒曹他日記通家

阿麟張君美兒子

記夢

天上材官老不材從教兀兀走塵埃夢中望拜通

明殿曾見金書兩字來

戊子七月二十四日內鄉性盧氏宿走馬平夜夢拜

天帝像遂觀法駕導引畫幄最前負弩三人中有金書小字題裕之者夢中不自知其為子也

啟母石

書載塗山世共知誰傳頑石使人疑可憐少室老

突兀也被人呼作阿姨

雜著四首

白髮劉郎老更癡人間那有後天期茂陵石馬專

相待種下蟠桃屬阿誰

白髮中官解道詩殷勤仍為惜花枝雪香亭上清

明宴記得君王去歲時

六朝瓊樹掌中春迴首胡妝一面新生羨石家金

遺山詩集 九
谷裏千年獨有墜樓人
燕語鶯啼百轉新長廊寂寂不逢人東君去作誰
家客花柳無情各自春

內鄉雜詩

行吟溪北復溪南風日烘人酒易酣無限春愁與
誰語梅花嬌小杏花憨

脍二首

香□□□□麝塵內家新樣入輕勻郭熙只爲吳
山老爭信□□有小擲

石綠□□□淺淡間多情長帶楚梅酸小詩擬寫春
愁樣憶著分明下筆難

送窮

煎餅虛拋盞散堆滿城都道送窮迴不如畱取窮
新婦貴女何曾喚得來

三鄉時作

山林鍾鼎不相兼說著浮名夢亦嫌菽水盡歡吾
豈敢老親自愛薺羹甜

出都

春閨斜月曉聞鶯信馬都門半醉醒官柳青青莫
回首短長亭是斷腸亭

山林癸巳五月三日北渡三首亦兼錄水盡溝

道傍僵臥滿纍囚過去旃車似水流紅粉哭隨回
鶻馬為誰一步一回頭

隨營木佛賤於柴大樂編鐘滿市排虜掠幾何君

莫問大船渾載汴京來

白骨縱橫似亂麻幾年桑梓變龍沙只知河朔生

靈盡破屋疎煙却數家

桑梓其剪為龍沙乎郭璞語

登珂山寺三首

澹澹長空白鳥迴江山都入妙高臺六鼇只解翻

溟渤不駕東南日觀來

太山在東南而此山之不見

悠悠誰了未生前一落泥塗又幾年堪笑長清郭

明府再來仍被葛藤纏

長清郭明府自省夙世是此寺比丘及作寺碑宛然

算沙語也

白日紅塵往復還深居那得似禪關出門應被山
僧笑纔得雲林半日閒

夢中作

夢人請賦四禽語其一泥滑滑也

春泥滑滑滿春山
慚媿幽禽喚客還
安得便乘雙翼去
綠陰清晝伴君閒

白日奉酬子京禪師見贈之什二首
出四歌遊山

南風穩送北歸船
畱得虛明一指禪
崧少詩僧幾人在
因君迴望一悽然

舊遊重憶故人詩
一點青燈兩鬢絲
不似戒壇明

月夜杏花香裏唱歌時

往在崧山時陪馮內翰雷御史游戒壇詩中所道蓋

當時事也

杏花

山詩三首

桃李前頭一樹春
絳唇深注蠟猶新
只嫌憨笑無人管
鬧簇枯枝不肯勻

聊城寒食

輕陰何負探花期
白髮於春自不宜
城外杏園人去盡
煮茶聲裏獨支頤

姨母隴西君諱日作三首

竹馬青衫小小郎
阿姨懷袖阿孃香
一龕白骨黃河隔
遙望井門哭斷腸
病起拈針眼未花
團團兒女運司衙
今年得在應

猶健更好從頭說外家

寶鏡煌煌照九州埋藏曾及見諸劉艷城今日無

雷煥紫氣誰當辨斗牛

陽曲劉氏家大寶鏡能照天地四方以前知休咎其

家埋地中人不得見也明昌泰和中北方兵動渠父子欲卜之一日先以旃幕障中庭乃扃閉門戶

甚嚴及掘鏡出光耀爛然一室盡明如初日之照鏡中見北來兵騎穰穰無數餘三方都無所覩因

大駭曰不可不可即埋之姨母時伏牀下得竊窺焉兵火後此家唯一兒子在姨母能指鏡處存否

則不知也故予詩及之

宿神霄北菴夢中作

素月空流散紫煙座中人物半神仙麗川往事渾

如夢信手題詩一泫然

夜雪

三更殘醉未全醒夢裏嬌兒索乳聲茅屋不知門

外雪黃紬衾煖紙窗明

冠氏趙庄賦杏花四首

一樹生紅錦不如乳兒粉抹紫襜褕花中誰有張

萱筆畫作宮池百子圖

文杏堂前千樹紅雲舒霞卷漲春風荒村此日腸

堪斷迴首梁園是夢中

錦樹烘春爛不收看花人自爲花愁荒蹊明日知
誰到憑仗詩翁爲少畱
東風誰道太狂生次第開花却有情聞道紀園千
樹錦一尊猶及醉清明

自趙庄歸冠氏二首首

春華澹澹曉寒輕野草搖風半白青誰識杏花牆
外客舊曾家近麗川亭
杏園紅過雪披離楊柳無風綠線齊寒食人家在
原野乳鴉牆外盡情啼

戲贈白髮二首十六

鏡中昨日又明朝破屋春深雪未消摘下數莖聊
自笑貴人頭上不相饒

問愁何怨復何讐直要青春便白頭拚却鏡中渾
似雪且看渠待幾時休

戲題醉仙人圖

醉鄉初不限東西桀日湯年一理齊門外山禽喚
沽酒胡蘆今後大家提

提胡蘆沽美酒禽語也

故園時蓋今對大家時

歐陽文忠公詩

猶碌碌不則東西祭日影平一墜夜門必山會與

詩集遺山先生圖明

以雲且香果詩幾却村首

問愁何恁更何警直要青春與白頭對法鏡中單

自笑貴人頭上不堪論

鏡中執日又照陳如墨春如雪未嘗解不燒整帶

遺山先生詩集卷第十六 終

遺山先生詩集卷第十七

七言絕句

白雲 濟南雜詩十首 只飛來交泉溪且向水間看

兒時曾過濟南城暗算存亾只自驚四十二年彈

指過只疑行處是前生幾人出郭一交靈泉養

匡山聞有讀書堂行過山前笑一場可惜世間無

李白今人多少賀知章 詩集遺山先生圖明

華山真是碧芙蓉湖水湖光玉不如六月行人汗

如雨西城橋下見游魚 宋李西泉詩

吳兒洲渚似神仙
菴面溪光碧玉泉
別有洞天君不見
鵲山寒食泰和年
陶公不作六民人
石刻燒殘讌集辭
雄樓傑觀想當時
只應画戟清香地
多欠韋郎五字詩
山前笑一漁
研來官樹午陰輕
湖畔遊人怕晚晴
一夜靈泉菴上宿
四山風露覺秋生
只自滿四十二平
白煙消盡凍雲凝
山月飛來夜氣澄
且向波間看玉塔
不須橋畔覓金繩
入秋雲物便淒迷
一道湖光樹影齊
詩在鵲山煙

雨裏王家圖上舊曾題

王清卿家有鵲山煙雨圖

荷葉荷花爛熳秋
鷺鷥飛近釣魚舟
北城佳處經行徧
畱著南山更一游

看山看水自絲身
著處題詩發興新
日日扁舟藕花裏
有心長作濟南人

題解飛卿山水卷

平生魚鳥最相親
夢寐煙霞卜四隣
羨殺濟南山水好
幾時真作卷中人

趙士表山林暮雪圖爲高良卿賦二首

颼颼林響四山風雪後人家閉戶中應被火爐頭
上說水邊清殺兩詩翁

黃塵遮斷山間夢白髮重尋画裏詩好似玉溪溪
上路醉和王老喚船時

倫鎮道中見槐花

名場奔走競官榮一紙除書悞半生笑向槐花問
前事爲君忙了竟何成

題劉才卿湖石扇頭

幽磻雲凝雨未乾曲池疎竹共荒寒扇頭喚起西

園夢好似熙春閣下看

聞歌懷京師舊遊

樓前誰唱綠腰催千里梁園首重廻記得杜家亭
子上信之欽用共聽來

鄭先覺幽禽照水扇頭

臨水華枝淡淡春水光華影兩無塵風流一枕西
園夢惆悵幽禽是故人

龍泉寺四首

懸麻白雨映層崖過盡行雲晚照開可是登臨動

高興馬頭新自太行來
泉石煙霞自一家
殘僧隨分了生涯
鷄鳴山下題詩客
曾到靈巖不用誇

河邊殺癩尚能飛
無角無鱗自一齊
甲子紛紛更

兒戲壁間休笑阜昌題

寺北齊時建又多劉豫阜昌中石刻并題名

遶渠寒溜夜潺潺
說有蛟龍在石間
可惜九天霖雨手
一泓泉水伴僧閒

李進之迂軒二首

白髮歸來世事新
書生風味是清貧
歛欽歷落從

人笑潦倒麤疎我自真

舉世營營共一途
要來閒處費工夫
入門且莫分賓主
不但君迂我更迂

出鎮州

汾水歸心日夜流
孤雲飛處是松楸
無端行近還鄉路
却傍西山入相州

過邯鄲四絕

富貴榮華一嘆嗟
依然夢裏說韶華
千年幾度山河改
空指遺臺是趙家